

时间流逝的诗

1.
人生无根蒂，飘如陌上尘。分散逐风转，此已非常身。落地为兄弟，何必骨肉亲！得欢当作乐，斗酒聚比邻。盛年不重来，一日难再晨。及时当勉励，岁月不待人。——《杂诗十二首·其一》
2.
今日复今日，今日何其少！今日又不为，此事何时了？人生百年几今日，今日不为真可惜！若言姑待明朝至，明朝又有明朝事。为君聊赋今日诗，努力请从今日始。——《今日歌》
3.
绿草蔓如丝，杂树红英发。无论君不归，君归芳已歇。——《王孙游》
4.
三更灯火五更鸡，正是男儿读书时。黑发不知勤学早，白首方悔读书迟。——《劝学》
5.
劝君莫惜金缕衣，劝君惜取少年时。花开堪折直须折，莫待无花空折枝。——《金缕衣》
6.
生年不满百，常怀千岁忧。昼短苦夜长，何不秉烛游！为乐当及时，何能待来兹？愚者爱惜费，但为后世嗤。仙人王子乔，难可与等期。——《生年不满百》
7.
何事居穷道不穷，乱时还与静时同。家山虽在干戈地，弟侄常修礼乐风

。窗竹影摇书案上，野泉声入砚池中。少年辛苦终身事，莫向光阴惰寸功。——《题弟侄书堂》

8.
读书不觉已春深，一寸光阴一寸金。不是道人来引笑，周情孔思正追寻。
。——《白鹿洞二首·其一》

9.
宝髻偏宜宫样，莲脸嫩，体红香。眉黛不须张敞画，天教入鬓长。莫倚
倾国貌，嫁取个，有情郎。彼此当年少，莫负好时光。——《好时光·
宝髻偏宜宫样》

10.
逝矣经天日，悲哉带地川。寸阴无停晷，尺波岂徒旋。年往迅劲矢，时
来亮急弦。远期鲜克及，盈数固希全。容华夙夜零，体泽坐自捐。兹物
苟难停，吾寿安得延。俛仰逝将过，倏忽几何间。慷慨亦焉诉，天道良
自然。但恨功名薄，竹帛无所宣。迨及岁未暮，长歌乘我闲。——《长
歌行》

11.
白日何短短，百年苦易满。苍穹浩茫茫，万劫太极长。麻姑垂两鬓，一
半已成霜。天公见玉女，大笑亿千场。吾欲揽六龙，回车挂扶桑。北斗
酌美酒，劝龙各一觞。富贵非所愿，与人驻颜光。——《短歌行》

12.
寒草烟光阔，渭水波声咽。春潮雨霁轻尘歇。征鞍发。指青青杨柳，又
是轻攀折。动黯然，知有后会甚时节？更进一杯酒，歌一阕。叹人生，
最难欢聚易离别。且莫辞沉醉，听取阳关彻。念故人，千里至此共明月
。——《踏莎行·寒草烟光阔》

13.
小阁重帘有燕过。晚花红片落庭莎。曲阑干影入凉波。一霎好风生翠幕
，几回疏雨滴圆荷。酒醒人散得愁多。——《浣溪沙·小阁重帘有燕过
》

14.

欲知垂尽岁，有似赴壑蛇。修鳞半已没，去意谁能遮。况欲系其尾，虽勤知奈何。儿童强不睡，相守夜欢哗。晨鸡且勿唱，更鼓畏添挝。坐久灯烬落，起看北斗斜。明年岂无年，心事恐蹉跎。努力尽今夕，少年犹可夸。——《守岁》

15.

买得杏花，十载归来方始坼。假山西畔药阑东，满枝红。旋开旋落旋成空，白发多情人更惜。黄昏把酒祝东风，且从容。——《酒泉子·买得杏花》

16.

少年易老学难成，一寸光阴不可轻。未觉池塘春草梦，阶前梧叶已秋声。——《偶成》

17.

人初生，日初出。上山迟，下山疾。百年三万六千朝，夜里分将强半日。有歌有舞须早为，昨日健于今日时。人家见生男女好，不知男女催人老。短歌行，无乐声。——《短歌行》

本文链接：<https://duanjuziku.com/duanjuzi/3j9ggyl1y.html>